



類經圖翼

圖翼卷六經穴

手太陰 手陽明
足陽明 足太陰
手少陰 手太陽

武
305
95



明中印
第 905
卷 95

岡氏
杏庭

高麗
圖書

類經圖翼六卷

松井家藏

千金元氣... 張介賓類正

經絡四

手太陰肺經穴

肺經穴歌

手太陰經十一穴。中府雲門天府列。俠白尺澤

孔最存。列缺經渠太淵涉。魚際直出大指端。內

側少商如韭葉。

中府

一名膺
中俞

在雲門下一寸。去任脉中行六寸。

圖翼六卷

經穴 手太陰

乳上三肋間陷中動脈應手仰而取之。○肺之募也。募結募也。為經氣之所聚。他放此。○手足六陰之會。○刺

三分留五呼。灸三壯五壯。埤雅云。壯者言以壯人為法也。

主治肺急胃滿喘逆善噎食不下肺膈寒熱效

嘔膿血肺風面腫汗出肩息背痛涕濁喉痺

少氣不得臥飛戶通注瘦瘤。○此穴主寫胃

中之熱其治多與大杼缺盆風府同。

千金云身體煩熱刺中府。○又云上氣效逆短

氣氣滿食不下灸五十壯。

百證賦云同意舍能治胃滿噎噎。

雲門 在巨骨下夾氣戶旁二寸去中行六寸陷

中動脈應手舉臂取之。○刺三分灸五壯甲乙

經云刺太深令人逆息千金云灸五十壯。

主治傷寒四支熱不已效逆短氣上衝心胃脇

肋煩滿徹痛喉痺瘦氣臂不得舉。○此穴主

寫四支之熱其治與肩髃委中腰俞大同。

千金云病癭上氣胃滿灸百壯。

天府 在臂臑內廉腋下三寸動脈陷中以鼻取

乏。○刺四分留三呼。禁灸。灸之令人氣逆。

主治暴痺內逆。肝邪相搏。卒中惡風邪氣。血溢

口鼻。飛尸鬼注。惡語悲泣。善忘喘息。不得安

臥。痰瘧寒熱。目眩癭氣。

千金翼云。身重嗜臥不自覺。灸五十壯。刺三分

補之。○又病癭惡氣。灸五十壯。

百證賦云。兼合谷可追鼻中衄血。

俠白。在天府下。去肘上五寸動脈中。○手太陰

之別。○刺四分留三呼。灸五壯。

主治心痛氣短。乾嘔煩滿。

尺澤。在肘中約文上。屈肘橫文。筋骨罅中。動脈

○手太陰所入為合。肺實寫之。○刺三分留三

呼。灸三壯五壯。○甄權云。臂屈伸橫文間筋骨

罅中不宜灸。

主治嘔吐上氣。喉痺鼓頤。心煩身痛。不得汗。舌

乾。欬唾膿血。心痛氣短。肺積息賁。痰瘧汗出。

中風肩背痛。洒淅寒熱。風痺肘寧。四支腫痛。

不得舉。脇痛腹脹。小便數。溺色變。遺矢無度。

面白善噫悲愁不樂及小兒慢驚風可灸一壯。

千金翼云邪病四支重痛諸雜候又澤主之一

名鬼堂○又治嘔吐上氣灸三壯七壯○又

治氣短不語灸百壯。

玉龍賦云理筋急○又云兼曲池療肘臂痠痛

靈光賦云吐血定喘須補此穴。

席弘賦云治五般肘痛又須鍼清冷淵以收功

孔最在腕上七寸陷中○手太陰之郄○刺三

分留三呼灸五壯。

主治熱病汗不出灸三壯即汗出及欬逆肘臂

痛屈伸難吐血失音頭疼咽痛。

列缺在腕後側上一寸五分滑氏曰以手交叉

當食指末筋骨罅中是穴○此手太陰之絡從

腕後別走陽明直出食指內廉出其端凡人有

反關脈者寸關尺三部正脈不見而見於列缺

陽谿此經脈虛而絡脈滿千金翼謂陽脈逆反

大於寸口三倍者是也○刺二分留三呼灸三

壯慎酒麪生冷等物。

主治偏風口眼喎斜。手肘痛無力。半身不隨。口

噤不開。痰癰寒熱。煩躁欬嗽。喉痺嘔沫。縱膺。

健忘驚癇。善笑妄言。妄見。面目四肢癱腫。小

便熱痛。實則有背暴腫。汗出。虛則肩背寒慄。

少氣不足以息。四肢厥逆。瘰癧口厥。若患偏

風。灸至百壯。若患腕勞。灸七七壯。甚妙。

千金云。男子陰中疼痛。尿血精出。灸五十壯。

玉龍賦云。兼大淵治欬嗽風痰。

攔江賦云。頭部痛。瀆尋之。痰涎壅塞。咽乾宜此。

席弘賦云。氣刺兩乳。求太淵。未應瀆寫此穴。偏

正頭疼。求此又瀆。重寫大淵。無不應。

通玄賦云。堪治欬嗽寒痰。

四總穴云。頭項瀆。尋列缺。

千金十一穴云。後谿并列缺。治胃項有痛。

馬丹陽天星十二穴云。此穴善療偏頭患。偏身

風痺麻痰。涎頻上壅。口噤不開。牙若能明補。

醫集寫應手疾如拿。

經渠 在寸口陷中。○手太陰所行為經。○刺三分。留三呼。禁灸。灸則傷人神明。

主治 痰癰寒熱胃背拘急膨脹喉痺欬逆上氣數欠傷寒熱病汗不出心痛嘔吐。

百證賦云兼大都治熱病汗不出。

太淵 在手掌後陷中。○手太陰所注為腧。即原也。○脉會太淵。每日平旦寅時脉從此始。故一

難曰寸口者脉之大會。○刺二分。留二呼。灸三壯。

主治 胃痺氣逆欬嘔噦飲水肺脹喘息不休。

噫氣欬血心痛咽乾煩躁狂言不得臥目痛

生翳赤筋口噤缺盆痛肩背痛引臂髀溺色

變遺失無度。

神農經曰治牙疼手腕無力疼痛可灸七壯。

玉龍賦云兼列缺治欬嗽風痰。

席弘賦云治氣刺兩乳求太淵未應之時鍼列

缺。○又云偏正頭疼尋列缺重寫太淵無不

應。○又云五般肘痛尋尺澤太淵鍼後却收。

功

魚際 在手大指本節後內側陷中。又云散脉中白肉際。○手大陰所溜為榮。○刺二分留三呼。灸三壯。

主治酒病身熱惡風寒虛熱舌上黃頭痛欬嘔傷寒汗不出痺走胃背痛不得息目眩煩心少氣寒慄喉咽乾燥嘔血唾血心痺悲恐腹痛食不下乳癰肢滿肘寧溺出及瘡方欲寒刺手足太陰陽明出血。

席弘賦云此穴兼承山崑崙治轉筋目眩百證賦云兼液門能治喉痛

一傳此穴兼經渠通里可治汗不出者便得淋漓更兼三間三里便得汗至遍身。一傳齒痛不能食飲左患灸左右患灸右男三女四。

少商 在手大指內側端去爪甲角如韭葉白肉際宛宛中。○手太陰所出為井。○刺一分留三呼五吸宜用三稜鍼刺微出血洩諸藏之熱不

宜灸甲乙經云灸一壯。一云三壯。忌生冷。

主治項腫喉痺。煩心嘔噦。心下滿。汗出欬逆。痰
瘧振寒。腹脹腸滿。雀目不明。唇乾唾沫引飲。
食不下。寒慄鼓頷。手攣指痛。小兒乳蛾。○唐
刺史成君綽。忽項腫如升。喉閉水粒不下。甄
權以三稜鍼刺之。微出血立愈。

乾坤生意云。此為十井穴。凡初中風。卒暴昏沉。
痰涎壅盛。不省人事。牙關緊閉。藥水不下。急
以三稜鍼刺此穴。及少衝中衝關衝少澤商

陽使血氣流行。乃起死回生。急救之妙穴。

太乙歌云。男子痰癖取少商。

百證賦云。兼曲澤治血虛口乾。

天星秘訣云。專治指痛。寧急。

天星... 經穴... 穴...

手陽明大腸經穴

大腸經穴歌

手陽明穴起商陽二間三間合谷藏陽谿偏歷歷溫溜下廉上廉三里長曲池肘膠迎五里臂臑肩髃巨骨起天鼎扶突接禾膠終以迎香二十止

商陽

絕陽一名

在手食指內側去爪甲角如韭葉

手陽明所出為井刺一分留一呼灸三壯

主治胃中氣滿喘欬熱病汗不出耳鳴耳聾寒

熱疹瘡。口乾。頤腫。齒痛。目盲。惡寒。肩背肢臂
腫痛。相引。缺盆中痛。灸三壯。左取右。右取左。
如食頃立已。

百證賦云。兼大谿治寒瘧有驗。

乾坤生意云。此為十井穴。凡初中風。跌倒卒暴
昏沉。痰盛不省人事。牙關緊閉。藥水不下。急
以三稜鍼刺此穴。及少商中衝。少衝。使血氣
流通。乃急救回生之妙穴。

二間

一名
間谷

在食指本節前內側陷中。○手陽明

所溜為榮。○刺三分。留六呼。灸三壯。

主治。頷腫。喉痺。肩背膈痛。欬衄。齒痛。目黃。口乾。
口眼歪斜。飲食不通。振寒。傷寒水結。

玉龍賦云。治牙疼妙。

席弘賦云。兼陽谿治牙疼。腰痛。咽痺。

百證賦云。兼陰郄能疏通寒慄惡寒。

通玄賦云。治目昏不見。

天星秘訣云。兼三里治牙疼。頭痛。喉痺。

三間

一名
少谷

在食指本節後內側陷中。○手陽明

所注為脗。○刺三分。留三呼。灸二壯。

主治。飢餓熱病。喉痺咽中如梗。下齒齲痛。嗜臥。胃腹滿。腸鳴洞泄。寒熱瘧。唇焦口乾。氣喘目。皆痛。善驚。寒熱結水多唾。

席弘賦云。兼腎俞。善除背痛風勞。

百證賦云。兼攢竹。治目中之漠漠。

捷徑云。治身熱氣喘。口乾目急。

合谷 一名虎口

在手大指次指岐骨間陷中。○手陽明所過為原。○刺三分。留六呼。灸三壯。

主治。傷寒大渴。脉浮在表。發熱惡寒。頭痛脊強。

風疹。寒熱瘧。熱病汗不出。偏正頭痛。面腫。

目翳。唇吻不收。瘡不能言。口噤不開。腰脊引。

痛。痿躄。小兒乳蛾。○一云。能下死胎。婦人妊。

娠。補合谷。即墮胎。千金云。產後脉絕不還。刺。

合谷入三分。急補之。

神農經云。治鼻衄。目痛。不明。牙疼。喉痺。疥瘡。可。

灸三壯。至七壯。

攔江賦云。傷寒無汗。寫合谷。補復溜。若汗多不。

正便補合谷寫復溜神效

席弘賦云兼太衝治手連肩脊痛難忍○又兼

曲池治兩手不如意○又云晴明治眼若未

效合谷光明不可缺○又云冷嗽先宜補合

谷又瀕鍼寫三陰交

百證賦云兼天府治鼻衄

天星秘訣云兼三陰交治脾病血氣○又云兼

內庭治寒瘧面腫及腸鳴

四總穴云面口合谷收

千金十一穴云曲池兼合谷可徹頭疼

馬丹陽天星十二穴云療頭疼并面腫瘧病熱

還寒體熱身汗出目暗視茫然齒齲鼻衄血

口噤不開言鍼入五分深能令病自安

陽谿一名中魁在手腕中上側兩筋間陷中○手陽

明所行為經○刺三分留七呼灸三壯

主治狂言喜笑見鬼熱病煩心掌中熱汗不出

目赤爛翳厥逆頭痛胃滿不得息寒熱痰瘧

嘔沫喉痺耳鳴齒痛驚掣肘臂不舉痲疥

席弘賦云兼二間治牙疼腰痛喉痺

百證賦云兼解谿治驚悸怔忡○又云兼肩髃

能消癰風之熱極

偏歷 在手腕後三寸○手陽明絡別走太陰○

刺三分留七呼灸三壯

主治痰瘧寒熱癰疾多言目視眈眈耳鳴喉痺

口啞咽乾鼻衄齒痛汗不出

標幽賦云刺偏歷利小便治大人水蠱

溫溜 一名逆注 在手腕後小上五寸大士六寸

一名蛇頭

大士小士謂大人小兒也明堂云腕後五寸六寸間○手陽

明郄○刺三分灸三壯

主治傷寒噦逆噫隔氣閉寒熱頭痛喜笑狂言

見鬼吐沫口舌腫痛喉痺面虛腫腸鳴腹痛

四支腫疼肩不得舉

百證賦云兼期門治傷寒項強

下廉 在曲池下四寸輔骨下去上廉一寸輔骨

肉其分外斜○刺五分留五呼灸三壯

主治勞瘵狂言頭風痺痛殮泄小腹滿小便血

小腸氣。面無顏色。痲痺腹痛不可忍。食不化。氣喘涎出。乳癰。○此穴主寫胃中之熱與氣。衝三里巨虛上廉治同。

上廉 在三里下一寸。曲池下三寸。其分獨抵陽明之會。外斜。○刺五分。灸五壯。

主治腦風頭痛。胃痛喘息。半身不遂。腸鳴小便。瀆。大腸氣滯。手足不仁。○此穴主寫胃中之熱與氣。衝三里巨虛下廉治同。

三里 一名手三里

在曲池下二寸。兌肉之端。按之肉

起。○刺三分。灸三壯。

主治中風口痺。手足不隨。五勞虛乏。羸瘦。霍亂遺失。失音。齒痛。頰腫。瘰癧。手痺不仁。

席弘賦云。此穴治腰背痛。連臍不休。下鍼麻重。須寫得氣。不用留。○又云。手足上下鍼三里。食痺氣塊。憑此取。

百證賦云。兼少海治手臂麻頑。通玄賦云。專治肩背痛。

曲池 在肘外輔骨。屈肘曲骨之中。以手拱胷取。

之。○手陽明所入為合。○刺七分留七呼。灸三壯。一云百壯。

主治傷寒振寒。餘熱不盡。胃中煩滿。熱渴。目眩耳痛。瘰癧喉痺。不能言。瘰癧癩疾。繞踝風。手臂紅腫。肘中痛。偏風半身不遂。風邪泣出。臂膊痛。筋緩無力。屈伸不便。皮膚乾燥。痂疥。婦人經脈不通。

神農經云。治手肘臂膊疼細無力。半身不遂。發熱。胃中煩滿。可灸十四壯。

玉龍賦云。兼人中。可治痿仆。兼尺澤。治肘痛。標幽賦云。兼肩井。甄權刺臂痛而復射。

百證賦云。遠達陽陵。治半身不遂。○又云。兼少衝。治發熱。驗。

席弘賦云。兼合谷。治兩手不如意。

千金云。治瘦惡氣。諸癰疹。灸隨年壯。○又十二鬼穴。此名鬼臣。若遇百邪癩狂。當於第十二

次下火鍼。

千金十一穴云。此與合谷可徹頭疼。

秦承祖明堂云主大人小兒遍身風疹痂疥

馬丹陽天星十二穴云善治肘中痛偏風手不

收挽弓開不得臂痠莫梳頭喉痺促欲死發

熱更無休遍身風癩鍼着即時瘳

肘髻 在肘大骨外廉陷中與天井相並相去一

寸四分。○刺三分。灸三壯。

主治肘節風痺臂痛不舉麻木不仁嗜臥

五里 在肘上三寸行向裏大脉中央一云在天

府下五寸。○禁刺灸三壯。一曰十壯。○玉版篇

曰迎之五里中道而止五至而已五往而藏之

氣盡矣小鍼解曰奪陰者死言取尺之五里五

往者也皆謂此穴

主治風勞驚恐吐血欬嗽嗜臥肘臂疼痛難動

脹滿氣逆寒熱瘰癧目視眈眈痰瘧

百證賦云兼臂臑能愈瘰癧

臂臑 在肘上七寸腠肉端肩髃下一寸兩筋兩

骨罅宛宛陷中平手取之。○手陽明絡也絡手

少陽之臑會。一曰手足太陽陽維之會。○刺三

分灸三壯。明堂禁刺灸七壯。一曰灸至百壯。

主治臂痛無力。寒熱瘰癧。頸項拘急。

千金云。治瘰氣灸隨年壯。

百證賦云。兼五里能愈瘰癧。

肩髃 一名中肩井

一名偏肩 在臑骨頭肩端上。兩骨罅陷

中。舉臂取之有空。○手太陽陽明陽蹻之會。一

曰足少陽陽蹻之會。○刺六分。留六呼。灸三壯。

至七七壯。以瘥為度。

主治中風偏風半身不遂。肩臂筋骨痠痛不能

上頭傷寒作熱不已。勞氣泄精憔悴。四支熱

諸瘰氣瘰癧。昔有病風痺臂痛無力不能挽

手。甄權於此進鍼即可射。○此穴若灸偏風

不遂。自七七壯至七七壯止。不可過多。恐致臂

細若風病筋骨無力。久不瘥。當多灸。不畏細

也。然灸不如刺。忌酒肉五辛漿水。○此穴主

寫四支之熱。與雲門委中腰俞治同。

千金云。灸瘰氣左右相當。男左十八右十七壯。

女右十八左十七壯。再三以差止。

玉龍賦云。可療風濕搏於兩肩。

天星秘訣云。手臂攣痛。取肩髃。

百證賦云。兼陽谿能消癰風之熱極。

巨骨 在肩尖上行。兩叉骨間陷中。○手陽明陽

躄之會。○刺一寸五分。灸三壯五壯。一曰禁刺。

主治驚癇吐血。胃中有瘀血。臂痛不得屈伸。

天鼎 在頸中缺盆上直扶突後一寸。甲乙經曰。

直扶突氣舍後一寸五分。氣府論註曰。在扶突

後半寸。○刺三分。灸三壯。

主治喉痺。噎腫。不得食。暴瘖氣哽。

百證賦云。兼間使治失音。

扶突 一名水穴。在頸當曲頰下一寸。甲乙經曰。在人

迎後一寸五分。仰而取之。一云氣舍後一寸五

分。○由此上貫頰入下齒中。○刺四分。灸三壯。

甲乙經曰。刺三分。

主治欬嗽多唾。上氣喘息。喉中如水雞。暴瘖氣

破項癭。

禾膠 一名長頰。直鼻孔下夾水溝旁五分。○刺三分。

灸三壯。

主治尸厥口不可開鼻瘡息肉鼻塞欬衄。

靈光賦云刺兩鼻翕衄。

迎香一名。

在禾膠上一寸鼻孔旁五分。○手足

陽明之會。○刺三分禁灸。

主治鼻塞不聞香臭瘰肉多涕有瘡欬衄喘息

不利偏風喎斜浮腫風動面癢狀如蟲行

玉龍賦云能消眼熱之紅。○又攻鼻窒為最。

席弘賦云耳聾氣痞鍼聽會更寫此穴。

足陽明胃經穴

胃經穴歌

四十五穴足陽明。承泣四白巨膠經。地倉大迎
登頰車下關頭維對人迎。水突氣舍連缺盆氣
戶庫房屋翳屯膺窻乳中下乳根不容承滿出
梁門關門太乙滑肉起天樞外陵大巨裏水道
歸來達氣衝髀關伏兔走陰市梁丘犢鼻足三
里上巨虛連條口底下巨虛下有豐隆解谿衝
陽陷谷同內庭厲兌陽明穴大指次指之端終。

承泣

一名面膠 一名麗穴

在目下七分上直瞳子陷中○

陽蹻任脉足陽明三脉之會○刺三分禁灸一

曰禁不宜鍼

主治冷淚出瞳子癢遠視眩暈昏夜無見口眼

喎斜

四白 在目下一寸直瞳子向頰骨顴空正視取

之○刺三分禁灸○甲乙經曰灸七壯一日下

鍼宜慎若深即令人目烏色

主治頭痛目眩目赤生翳睛動流淚眼弦癢口

眼喎僻不能言

巨膠 夾鼻孔旁八分直瞳子○陽蹻足陽明之

會○由此入上齒中復出循地倉○刺三分灸

七壯

主治癩癧脣頰腫痛口喎目瞤青盲無見遠視

眩暈面風鼻頰腫脚氣膝脛腫痛

百證賦云兼腎俞治胃膈停留瘀血

地倉 一名會維 夾口吻旁四分外如近下微有動脉

若久患風其脉亦有不動者○手足陽明任脉

陽蹻之會。○刺三分留五呼。灸七壯。或二七壯。重者七七壯。病左治右。右治左。艾炷宜小如麤釵脚。若過大口反啗。却灸承漿即愈。

主治偏風口眼歪斜。牙關不開。齒痛。頰腫。目不得閉。失音。不語。飲食不收。水漿漏落。眼瞶動。遠視。眩暈。昏夜無見。

靈光賦云。地倉能止口流涎。

玉龍賦云。兼頰車療口啗。

大迎

一名
髓孔

在曲頰

頰下也

前一寸三分。骨陷中動。

脈。○本經自大迎循頰車上耳前下關頭維。其支者從大迎前下人迎。○寒熱病篇曰。臂陽明有人。頰徧齒者。名曰大迎。則此為手足陽明之會。○刺三分留七呼。灸三壯。

主治風瘧口瘡。口噤不開。唇吻瞶動。頰腫牙痛。舌強不能言。目痛不得閉。口啗。數欠。風壅面腫。寒熱瘰癧。

百證賦云。兼顴膠治目眩。

頰車

一名機關
一名曲牙

在耳下曲頰端。近前陷中側臥。

開口取之。○刺三分。灸三壯。一曰。灸七壯。至七壯。炷如小麥。

主治中風牙關不開失音不語。口眼歪斜。頰腫牙痛不可嚼物。頸強不得回顧。凡口眼喎斜者。喎則左寫。右補。斜則左補。右寫。

靈光賦云。鍼齒痛。

玉龍賦云。兼地倉療口喎。

下關 在客主人下耳前。動脈下廉。合口有空。開口則閉。側臥閉口取之。○足陽明少陽之會。○

刺三分。留七呼。灸三壯。○本輸篇曰。刺之則欠不能呿者。此也。耳中有乾槌。禁不可灸。一曰。不可久留。鍼音槌。一作音槌。

主治偏風。口眼喎斜。耳鳴耳聾。痛癢出膿。失欠。

牙關脫臼。

頭維 在額角入髮際。夾本神旁一吋五分。神庭旁四吋五分。○足少陽陽明之會。○刺三分。沒皮向下禁灸。

主治頭風疼痛如破。目痛如脫。淚出不明。

玉龍賦云兼攢竹能治目疼頭痛

百證賦云兼臨泣可治淚出

人迎一名天五會

在頸下夾結喉旁一寸五分大動

脈應手仰而取之○足陽明少陽之會○甲乙

經曰夾結喉以候五藏氣○禁灸氣府論註曰

刺可入四分過深殺人

主治吐逆霍亂胃滿喘呼不得息項氣悶腫食

不下鍼入四分

天星秘訣云耳鳴腰痛先此後耳門及三里

水突

一名水門

在頸大筋前直人迎下夾氣舍上丙

貼氣喉○刺三分灸三壯

主治效逆上氣咽喉癰腫短氣喘息不得臥

氣舍 在頸大筋前直人迎下夾天突邊陷中貼

骨尖上有缺○刺三分灸五壯

主治效逆上氣肩腫項強不能回顧喉痺哽咽

食飲不下瘦瘤

缺盆

一名天蓋

在肩上一橫骨陷者中○為五藏六府

之道○刺三分留七呼灸三壯刺太深令人逆

息。○孕婦禁鍼。

主治喘急息賁。欬嗽。胃滿水腫。瘰癧寒熱。缺盆

中腫外潰。傷寒胃中熱不已。喉痺汗出。

一曰。主寫胃中之熱。治與大杼中府風府同。

氣戶 在巨骨下。夾俞府兩旁各二寸。去中行四

寸陷中仰而取之。○刺三分。灸三壯五壯。

主治欬逆上氣。胃背痛。支滿喘急。不得息。不知

味。

席弘賦云。此穴攻噎。若不愈。兼灸氣海。

百證賦云。兼華蓋穴。除脇肋痛有驗。

庫房 在氣戶下一寸六分。去中行四寸陷中仰

而取之。○刺三分。灸三壯五壯。

主治胃脇滿。欬逆上氣。呼吸不利。唾膿血濁。沫

屋翳 在庫房下一寸六分。去中行四寸陷中仰

而取之。○刺三分。灸五壯。

主治欬逆上氣。唾膿血濁。痰身腫。皮膚痛。不可

近衣。淫灑。瘰癧不仁。

百證賦云。兼至陰穴。治遍身風癢之疼多。

膺窗 在屋翳下一寸六分。巨骨下四寸八分。去中行四寸陷中仰而取之。○刺四分。灸五壯。

主治胃滿短氣不得臥。腸鳴注泄。乳癰寒熱。

乳中 當乳之中。○微刺。禁灸。甲乙經曰。禁不可刺。氣府論注曰。刺灸之生蝕瘡。瘡中有清汁膿血者可治。瘡中有瘰肉若蝕瘡者死。

一傳胎衣不下。以乳頭向下盡處。俱灸之。即下。

乳根 在乳中下一寸六分。去中行四寸陷中仰而取之。○刺三分。灸三壯五壯。

主治胃下滿痛。臂痛。乳痛。凄凄寒熱。霍亂轉筋。四厥。

神農經云。治胃下滿痛。上氣喘急。可灸七壯。

玉龍賦云。兼俞府治氣嗽痰哮喘。

捷徑云。治息噎。

華陀明堂云。主膈氣不下。食噎病。

千金云。治反胃吐食。上氣灸兩乳下各一寸。以

瘥為度。

居家必用云。灸效逆。凡久病得效逆。最為惡候。

其法於乳下一指許正與乳相直間陷中女人即屈乳頭度之乳頭齊處是穴艾炷如小豆許灸三壯男左女右火到肌即瘥不瘥則不可治。

不容 在第四肋端幽門旁一寸五分去中行二寸對巨關甲乙經曰去任脉二寸至兩肘端相去四寸。○按甲乙經曰腹自不容以下至氣衝二十四穴夾幽門兩旁各一寸五分諸書皆同及考幽門則止去中行五分是不容以下諸穴。

當去中行二寸而諸云三寸者非今悉改爲二寸。○刺五分灸五壯。

主治腹滿痞癖胃背肩脇引痛心痛唾血喘嗽嘔吐痰癖腹虛鳴不嗜食疝瘕。

承滿 在不容下一寸去中行二寸對上腕。○刺三分灸五壯甲乙經云刺八分。

主治腹脹腸鳴脇下堅痛上氣喘急食飲不下肩息隔氣唾血。

千金云夾巨關相去五寸名承滿主腸中雷鳴。

相逐痢下灸五十壯。

梁門

在承滿下一寸。去中行一寸。對中脘。○刺

三分。灸五壯。甲乙經作刺八分。○孕婦禁灸。

主治胃脇積氣。飲食不思。氣塊疼痛。大腸滑泄。

完穀不化。可灸七壯。至二十一壯。

關門

在梁門下一寸。去中行二寸。對建里。○刺

八分。灸五壯。一云五分三壯。

主治積氣脹滿。腸鳴切痛。泄痢不食。走氣俠臍。

急痛。痰瘧振寒遺溺。

太乙

在關門下一寸。去中行二寸。對下脘。○刺

八分。灸五壯。一云五分三壯。

主治心煩癩狂吐舌。

滑肉門

在太乙下一寸。天樞上一寸。去中行二

寸。對水分。○刺八分。灸五壯。一云五分三壯。

主治癩狂嘔逆吐血。重舌舌強。

天樞

一名長谿
一名穀門

夾臍旁二寸。去盲俞一寸五分。

陷中。○大腸募也。○刺五分。留七呼。灸五壯。拔

萃云百壯。○千金云。魂魄之舍不可鍼。孕婦不

可灸。

主治奔豚泄瀉。赤白痢水痢不止。食不化水腫。腹脹腸鳴。上氣衝胃不能久立。久積冷氣。遠臍切痛。時上衝心。煩滿嘔吐。霍亂寒瘧不嗜食。身黃瘦。女人癥瘕血結成塊。漏下月水不調。淋濁帶下。

千金云。久冷及婦人癥瘕。小便不通。腸鳴瀉痢。繞臍絞痛。灸百壯。三報之。○又云。吐血腹痛。雷鳴灸百壯。○又云。狂言恍惚灸百壯。○又

云。霍亂先下痢。灸二七壯。不瘥更二七壯。男左女右。

標幽賦云。治虛損。

百證賦云。兼水泉。治月潮違限。

一傳治夾膝疼痛。腹中氣塊。久瀉不止。虛損勞弱。可灸二十一壯。

外陵 在天樞下一寸。去中行二寸。對陰交。○刺三分。灸五壯。甲乙經作刺八分。主治腹痛。心下如懸。下引臍痛。

大巨一名腋門在天樞下二寸。去中行二寸。對石門。

○刺五分。灸五壯。甲乙經刺八分。

主治小腹脹滿煩渴。小便難。癰疔。四支不收。驚悸不眠。

水道 在大臣下三寸。去中行二寸。○刺一寸五分。灸五壯。一曰刺八分半。

主治肩背強急痠痛。三焦膀胱腎氣熱結。大小便不利。疝氣偏墜。婦人小腹脹痛。引陰中。月經至則腰腹脹痛。胞中瘕。子門寒。

千金云。主三焦膀胱腎中熱氣。灸隨年壯。

百證賦云。兼筋縮專治脊強。

歸來一名谿穴在水道下二寸。去中行二寸。○刺八分。灸五壯。一曰刺二分半。

主治奔豚九疝。陰丸上縮。入腹引痛。婦人血藏積冷。

氣衝一名氣衝在歸來下。鼠谿上一寸。動脈應手宛

宛中。去中行二寸。骨空論。王氏註曰。在毛際兩旁。鼠鼷上一寸。脈動處也。○刺禁論。王氏註曰。

氣街之中。膽胃脉也。膽之脉循脇裏出氣街繞
 毛際胃之脉夾臍入氣街中。○衝脉所起。○刺
 三分留七呼。灸七壯。甲乙經曰。灸之不幸使人
 不得息。一云。禁不可鍼。艾炷如大麥。
 主治逆氣上攻。心腹脹滿。不得正臥。奔豚癩疝。
 淫瀼。大腸中熱。身熱腹痛。陰腫莖痛。婦人月
 水不利。小腹痛無子。妊娠子上衝心。產難胞
 衣不下。○一云。此穴主寫胃中之熱。與三里
 巨虛上下廉同。

千金云。治石水。灸然谷。氣衝。四滿。章門。
 百證賦云。兼衝門。治帶下產崩。
 東垣曰。主血多諸證。以三稜鍼刺。此穴出血立
 愈。

髀關 在膝上。伏兔後交文中。一云。在膝上一尺
 二寸。○刺六分。灸三壯。一云。刺三分。禁灸。
 主治腰痛。膝寒。足麻木不仁。黃疸。痿痺。股內筋
 絡急。小腹引喉痛。

伏兔 在膝上六寸。起肉間。正跪坐而取之。一云。

在膝蓋上七寸。左右各二指按捺。上有肉起如兔狀。因以此名。○刺五分。禁灸。○千金云。狂邪鬼語。灸百壯。亦可五十壯。

主治脚氣膝冷。不得温。風痺。婦人八部諸疾。

陰市

一名陰鼎

在膝上三寸。伏兔下陷中。拜而取之。

一云。在膝內輔骨後。大筋下。小筋上。屈膝得之。

○刺三分。留七呼。禁灸。○刺腰痛論註曰。伏兔下陷者。中灸三壯。即此。

主治腰膝寒。如注水。痿痺不仁。不得屈伸。寒疝。

小腹痛滿。少氣。

千金云。水腫大腹。灸隨年壯。

玉龍賦云。兼風市能驅。腿足之乏力。

通玄賦云。膝胛痛。陰市能醫。

靈光賦云。專治兩足拘攣。

席弘賦云。心疼手顫。少海間。若要除根。覓陰市。

梁丘 在膝上二寸兩筋間。○足陽明郄。○刺三分。灸三壯。

主治脚膝痛。冷痺不仁。不可屈伸。足寒。大驚。乳。

腫痛。

神農經云治膝痛屈伸不得可灸三壯七壯

犢鼻

在膝髓下脰骨上骨解大筋陷中形如牛

鼻故名一曰在膝頭下近外窟解中○刺六分

灸三壯一曰刺三分○刺禁論曰刺膝髓出液

為跛故刺此者不可輕也

主治膝痛不仁難跪起脚氣若膝髓癰腫潰者

不可治不潰者可療若犢鼻堅韌勿便攻之

先用洗熨而後微刺之愈

靈光賦云善治風邪濕

三里

即下陵出本輸篇

在膝眼下三寸脰骨外廉大筋

內宛宛中坐而豎膝低跗取之極重按之則跗

上動脈止矣○足陽明所入為合○刺五分留

七呼灸三壯千金云灸二百壯至五百壯○一

云小兒忌灸三里三十外方可灸不爾反生疾

○秋月不宜出血恐土虛也

主治胃中寒心腹脹痛逆氣上攻藏氣虛憊胃

氣不足惡聞食臭腹痛腸鳴食不化大便不

通腰痛膝弱不得俯仰小腸氣○此穴主寫胃中之熱與氣衝巨虛上下廉同。

秦承祖曰諸病皆治食氣水氣蠱毒痔瘡四支腫滿膝胫痠痛目不明。

華陀云療五勞七傷羸瘦虛乏瘀血乳癰。

外臺明堂云人年二十已外若不灸三里令氣

上衝目使眼無光蓋以三里能下氣也。

一傳心疼者灸此穴及承山立愈以其中有瘀血故寫此則愈。

千金云三里內庭治肚腹病妙○又身重腫坐

不欲起風勞脚疼灸五十壯刺五分補之○

又邪病大呼罵走三里主之名鬼邪。

神農經云治心腹脹滿胃氣不足飲食不化痞

癖氣塊吐血腹內諸疾五勞七傷灸七壯

太乙歌云兼束骨刺治項強腫痛體重腰癱

玉龍賦云兼絕骨三陰交能治連延脚氣○又

治心悸虛煩○又兼水分陰交蠱脹宜刺○

又合太衝中封治行步艱楚

百證賦云兼陰交治中邪霍亂

靈光賦云治氣上壅○又兼陽陵陰陵申脉照

海治脚氣及在腰之疾

席弘賦云治手足上下疾亦治食癖氣塊○又

云虛喘宜尋三里中○又胃中有積刺璇璣

此穴功亦多○又氣海專治五淋又瀕鍼三

里○又治耳內蟬鳴○折瀕兼五會補寫

之始妙○又云若鍼肩井瀕三里不刺之時

氣未調○又治腰連胯痛○又治脚腫脚痛

瀕兼懸鍾陽陵陰陵三陰交太衝行氣并治

指頭麻木○又腕骨腿疼寫此穴○又兼風

府鍼度淺深更尋三里治膀胱氣未散

通玄賦云能却五勞之羸瘦○又云治冷痺

捷法云治食不充肌

天星秘訣云耳鳴腰痛先五會後耳門三里○

又云胃停宿食後尋三里起璇璣○又云兼

二間治牙疼頭痛并喉痺○又云兼期門治

傷寒過經不出汗

四總穴云。肚腹三里留。

馬丹陽天星十二穴云。能除心脇痛。腹脹胃中寒。腸鳴并泄瀉。眼腫膝脛痠。傷寒羸瘦損氣。蠱及諸般年過三旬後。鍼灸眼光全。○增治法云。治五勞七傷。腰痛不舉。喉痺。脇間暴痛。不得息。欬嗽多痰。足痿足熱。腹中瘀血水腫。陰氣不足。熱病汗不出。喜嘔。口乾。身反折。口噤。鼓頷。胃氣不足。聞食即吐。泄痢水穀不化。消渴。遺尿。失氣。陽厥惡寒。頭眩。小便不利。悉

宜鍼灸

上巨虛 一名巨虛 上廉

在三里下三寸。兩筋骨陷中。舉

足取之。○海論曰。衝脈者。其輸下出於巨虛之

上下廉。○巨虛上廉足陽明與大腸合 上廉屬大腸下

廉屬小腸。出本輸篇。及邪氣藏府病形篇。○刺三分。灸三壯。甲乙經

作刺八分。千金云。灸以年為壯數。

主治藏氣不足。偏風脚氣。腰腿手足不仁。足脛痠。骨髓冷疼。不能久立。俠臍腹痛。腸中切痛。殮泄食不化。喘息不能行。腹脇支滿狂走。

此穴主寫胃中之熱與氣衝三里下巨虛治同。

條口 在三里下五寸下廉上一寸舉足取之。○刺五分灸三壯甲乙經云刺八分。

主治足膝麻木寒痠腫痛跌腫轉筋濕痺足下熱足緩不收不能久立。

天星秘訣云兼衝陽絕骨治足緩難行。

下巨虛 一名巨虛下廉 在上廉下三寸兩筋骨陷中蹲

地舉足取之。○巨虛下廉足陽明與小腸合又

為衝脉下輸。○刺三分灸三壯。一日刺八分。

主治胃中熱毛焦肉脫汗不得出少氣不嗜食

暴驚狂言喉痺面無顏色胃脇痛殮泄膿血

小腸氣偏風腿痿足不履地熱風風濕冷痺

疔腫足跗不收女子乳癰。○此穴主寫胃中

之熱與氣衝三里上巨虛同。

豐隆 在外踝上八寸下廉胛骨外廉陷中。○足

陽明絡別走太陰。○刺三分灸三壯。

主治頭痛面腫喉痺不能言風逆癲狂見鬼好

笑厥逆胃痛如刺大小便難忘情腿膝痠痛
屈伸不便腹痛肢腫足清寒濕。

太乙歌云兼上腕刺心疼嘔吐傷寒吐虺

玉龍賦云兼肺俞治痰嗽○又云合湧泉關元

可治屍勞。

席弘賦云專治婦人心痛

百證賦云兼強間治頭痛難禁

解谿 在衝陽後一寸五分足腕上繫鞋帶處陷

中。一曰在足大指次指直上附上陷者宛宛中

刺瘡論註曰在衝陽後三寸半氣穴論註曰二寸半甲乙經曰一寸半○足陽明所行為經○刺五分留五呼灸三壯。

主治風氣面浮頭痛目眩生翳厥氣上衝喘欬
腹脹顛疾煩心悲泣驚瘈轉筋霍亂大便下
重股膝胛腫又寫胃熱善饑不食食即支滿
腹脹及療疥瘡寒熱瀕兼刺厲兌三里解谿
商丘出血。

神農經云治腹脹脚腕痛目眩頭疼可灸七壯

玉龍賦云兼商丘丘墟堪追脚痛

百證賦云兼陽谷治驚悸怔忡

一傳腹虛腫及足脛虛腫灸之效○一傳氣逆

發噎將死灸之效

衝陽

一名會原即仲景所謂跌陽也

在足跗上五寸高骨間動

脉去陷谷二寸○足陽明所過為原○刺三分

留十呼灸三壯○刺禁論曰刺跗上中大脉血

出不止死即此穴也

主治偏風面腫口眼喎斜齒齲傷寒發在振寒

汗不出腹堅大不嗜食發寒熱足痿跗腫或

胃瘧先寒後熱喜見日月光得火乃快然者

於方熱時刺之出血立寒

天星秘訣云兼條口絕骨治足緩難行

陷谷 在足大指次指外間本節後陷中去內庭

二寸○足陽明所注為膈○刺五分留七呼灸

三壯一日刺三分

主治面自浮腫及水病善噫腸鳴腹痛汗不出

振寒痲瘡疝氣少腹痛或胃脉弦者寫此則

木平而胃氣自盛。

千金云。治水病。灸隨年壯。

百證賦云。兼下腕。能平腹內腸鳴。

內庭。在足大指次指外間陷中。○足陽明所溜。

為榮。○刺三分。留十呼。灸三壯。甲乙經云。刺二

分。留二十呼。

主治四支厥逆。腹滿不得息。惡聞人聲。振寒咽

痛。口喎。齒齲鼻衄。癰疹。赤白痢。瘡不嗜食。

一傳主療。久瘡不愈。并腹脹。

玉龍賦云。兼臨泣。能理小腹之脹。

通玄賦云。治腹膨休遲。

千金十一穴云。三里內庭。治肚腹病妙。

捷徑云。治石蠱。○又云。大便不通。宜寫此。

天星秘訣云。兼合谷。治寒瘡面腫及腸鳴。

馬丹陽天星十二穴云。能治四支厥。喜靜惡聞

聲。癰疹咽喉痛。數欠及牙疼。瘡疾不思食。耳

鳴。鍼便清。

厲兌。在足大指次指端去爪甲如韭葉。○按本

輸篇曰。厲兌者。足大指內次指之端也。經脈經筋等篇俱云中指繆刺篇曰邪客於足陽明之絡刺足中指次指爪甲上各一痛據此諸篇之說可見中指次指之間皆陽明脈氣所發也。○足陽明所出為井。○刺一分留一呼灸一壯。○主治尸厥口噤氣絕狀如中惡心腹滿水腫熱病汗不出寒熱瘧不食面腫喉痺齒齲惡風鼻不利多驚發狂好臥足寒膝腹腫痛。○百證賦云與隱白相諧治夢魘不寧。

足太陰脾經穴

脾經穴歌

足太陰脾由足拇隱白先從內側起大都太白繼公孫商丘直上三陰鳩漏谷地機陰陵泉血海箕門衝門前府舍腹結大橫上腹哀食竇天谿連胃鄉周容大包盡二十一穴太陰全。○隱白 在足大指內側端去爪甲角如韭葉。○足太陰所出為井。○刺一分留三呼灸三壯。主治腹脹喘滿不得臥嘔吐食不下胃中痛煩。

熱暴泄。衄血。尸厥不識人。足寒不得溫。婦人月事過時不止。刺之立愈。小兒客忤驚風。

百證賦云。兼厲兌治夢魘不寧。

大都 在大指本節後內側骨縫白肉際陷中。○

足太陰所溜為榮。○刺三分留七呼。灸三壯。

主治熱病汗不出不得臥。身重骨痛。傷寒手足逆冷。腹滿嘔吐悶亂腰痛不可俛仰。四支腫痛。凡婦人孕不論月數及生產後未滿百日俱不宜灸。

千金云。治大便難。灸隨年壯。○又霍亂下瀉不止。灸七壯。

正灸七壯。

席弘賦云。兼橫骨治氣滯腰痛不能立。

百證賦云。兼經渠治熱病汗不出。

太白 在足大指後內側核骨下赤白肉際陷中。

○足太陰所注為腧。即原也。○刺三分留七呼。

灸三壯。

主治身熱煩滿。腹脹食不化。嘔吐瀉痢膿血腰痛。大便難。氣逆霍亂。腹中切痛。腸鳴。膝股胫

痠轉筋身重骨痛。

玉龍賦云治痔漏。

通玄賦云能宣導於氣衝。

公孫 在足大指內側本節後一寸內踝前陷中。

正坐合足掌相對取之。○太陰絡別走陽明。○

刺四分留七呼灸三壯甲乙經曰留二十呼。

主治寒瘧不食癩氣好太息多寒熱汗出喜嘔。

卒面腫心煩多飲膽虛腹虛水腫腹脹如鼓。

脾冷胃痛。

○又胃氣不食不

神農經云治腹脹心疼可灸七壯。

席弘賦云治肚疼須兼內關相應。

標幽賦云脾冷胃疼寫公孫而立愈。

攢江賦云兼照海治傷寒四日太陰經再行內

關施截法

截法云治九種心疼一切冷氣痰涎隔悶胃中

隱痛臍腹脹滿氣不消化脇肋下痛起坐艱

難泄瀉不止裏急後重胃中刺痛兩腹脹滿

氣攻疼痛中滿不快翻胃吐食氣隔五噎飲

食不下。胃脘停痰。口吐清水。中脘停食。疼刺
不已。嘔吐痰涎。眩暈不止。心瘧令人。心內怔
忡。肝瘧令人。氣色蒼蒼。惡寒發熱。脾瘧令人。
怕寒。腹中痛。肺瘧令人。心寒驚怕。腎瘧令人。
洒淅寒熱。腰脊強痛。瘧疾大熱不退。或先寒
後熱。及先熱後寒。瘧疾心胃疼痛。瘧疾頭痛
眩暈。吐痰不已。瘧疾骨節痠痛。瘧疾口渴。不
已。胃瘧令人。善饑而不能食。膽瘧令人。惡寒
驚怕。睡臥不安。黃汗疽。四支俱腫。汗出染衣。

黃疽。遍身皮膚黃。及面目小便俱黃。穀疸。食
畢則頭眩。心中拂鬱。酒疸。身自俱黃。心中俱
痛。面發赤斑。小便赤黃。女勞疸。身自俱黃。發
熱惡寒。小便不利。○已上凡三十證。先以公
孫爲主治。然後隨證取各穴應之。

商丘 在內踝下微前陷中。前有中封。後有照海。
此穴居中。內踝下有橫文如偃口形。○足太陰
所行爲經。○刺三分。留七呼。灸三壯。
主治胃脘痛。腹脹。腸鳴。不使脾虛。令人不樂身。

主寒善太息。心悲氣逆。喘嘔舌強。脾積痞氣。黃疸寒瘧。體重支節痛。怠惰嗜臥。骨疽痔疾。陰股內痛。狐疝走引小腹疼痛。不可俛仰。

神農經云。治脾虛腹脹胃脘痛。可灸七壯。

玉龍賦云。兼解谿丘墟堪追脚痛。

百證賦云。專治痔漏最良。

三陰交 在內踝上除踝三寸。骨下陷中。○足三陰之交會。○刺三分。留七呼。灸三壯。妊娠不可刺。

主治脾胃虛弱。心腹脹滿。不思飲食。脾病身重。四支不舉。飧泄痢血。痿痺臍下痛。不可忍。中風卒厥。不省人事。膝內廉痛。足痿不行。凡女人產難。月水不禁。赤白帶下。先寫後補。小腸疝氣。偏墜木腎腫痛。小便不通。渾身浮腫。先補後寫。

千金云。內踝上三寸。絕骨宛宛中。灸五七壯。主欬逆虛勞。寒損憂恚。筋骨痠痛。又主心中欬逆。洩注腹滿。喉痺項頸滿。腸痔逆氣。痔血陰

急鼻衄。骨瘡。大小便澁。鼻中乾燥。煩滿。狂易。走氣。凡二十二種病。皆當灸之也。○又云。男女夢與人交。洩精。三陰交灸五壯。喜夢洩神良。○又治霍亂。手足逆冷。灸七壯。不瘥更七壯。○又治勞淋。灸百壯。三報之。○又痔疾。刺入三分。亦主大便不利。○又治氣癩。水癩。卵偏大。上入腹。灸隨年壯。

玉龍賦云。兼三里絕骨。治連延脚氣。

百證賦云。兼鍼氣海。專司白濁。久遺精。

席弘賦云。冷嗽宜補。合谷却瀆。寫此穴。○又云。脚痛膝腫。鍼三里。又瀆兼懸鐘。二陵。三陰交。太衝引氣。并治指頭麻木。

天星秘訣云。兼合谷。治脾病血氣。○又云。兼承山。治胃膈痞滿。飲食自喜。

乾坤生意云。兼大敦。治小腸疝氣。

昔有宋太子善醫術。出逢一妊婦。太子診之曰。是一女也。徐文伯亦診曰。此一男一女也。太子性急。欲剖視之。文伯曰。臣能鍼而落之。爲

經方 足太陰 細針

寫三陰交補手陽明合谷應鍼而落果如文伯之言故妊娠不可刺此穴且能落死胎

漏谷一名太陰絡

在內踝上六寸骨下陷中○刺三

分留七呼灸三壯。

主治膝痺脚冷不仁腸鳴腹脹痲痺冷氣小腹痛飲食不為肌膚小便不利失精。

地機脾舍一名

在膝下五寸內側骨下陷中伸足取

之。一日在別走上一寸孔在膝下五寸○足太陰郄○刺三分灸五壯。

主治腰痛不可俛仰溇泄腹脹水腫不嗜食精不足小便不利足痺痛女子癥瘕。

百證賦云兼血海治婦人經事之改常。

陰陵泉 在膝下內輔骨下陷中伸足取之或曲

膝取之與少陽經陽陵泉內外相對一日稍高

一寸○足太陰所入為合○刺五分留七呼灸三壯。

主治腹中寒痛脹滿喘逆不得臥小便不利氣淋寒熱不節腰痛不可俛仰霍亂疝瘕遺尿

泄瀉。陰痛。足膝紅腫。

神農經云。治小便不通。疝瘕。可灸七壯。

千金云。小便失禁。不覺刺五分。灸隨年壯。○又

水腫。不得臥。灸百壯。

玉龍賦云。兼陽陵。治膝腫之難消。

太乙歌云。腸中切痛。陰陵調。

靈光賦云。治脚氣。

席弘賦云。治心胃滿。兼承山。飲食自思。○又云。

脚痛膝腫。鍼三里。又須兼懸鍾。二陵。三陰交。

太衝行氣。并治指頭麻木。

百證賦云。兼水分。能去水腫。臍盈。

通玄賦云。能開通水道。

天星秘訣云。若是小腸連臍痛。先刺陰陵。後湧

泉。

血海 一名百蟲窠

在膝臏上。寸內廉白肉際陷中。

壯。

主治女子崩中漏下。月事不調。帶下。逆氣腹脹。

先補後寫。又主腎藏風兩腿瘡癢濕不可當。百證賦云兼地機治婦人經事之改常。○又云

兼衝門治痿痺有驗。

靈光賦云兼氣海療五淋。

箕門 在魚腹上越兩筋間陰股內廉動脈應手

一云股上起筋間。○甲乙經曰太陰內市。○刺三分留六呼灸三壯。一云禁刺。

主治小便不通遺尿鼠鼷腫痛。

衝門

一名慈宮

上去大橫五寸在府舍下橫骨兩端

約文中動脈去腹中行三寸半。○足太陰厥陰之會。○刺七分灸五壯。

主治中寒積聚淫瀼陰疝妊娠衝心難乳。

百證賦云兼氣衝治帶下產崩。○又云兼血海

治痿痺。

府舍 在腹結下三寸去腹中行三寸半。○足厥

陰太陰陰維之會。○甲乙經曰此脈上下入腹

絡胃結心肺從脇上至肩此太陰郄三陰陽明

支別。○刺七分灸五壯。

主治疝癰。腹脇滿痛。上下捨心。積聚痺痛。厥氣霍亂。

腹結一名腹屈

在大橫下一寸三分。去腹中行三寸

半。○刺七分。灸五壯。

主治欬逆。遶臍腹痛。中寒瀉痢。心痛。

大橫 在腹哀下三寸五分。平臍去中行三寸半。

○足太陰陰維之會。○刺七分。灸五壯。

主治大風逆氣。四支不舉。多寒善悲。

千金云。主多寒洞痢。四支不舉。灸隨年壯。○又

云。多汗。四支不舉。少力。灸橫文五十壯。在俠

臍相去七寸。亦屬此穴。

百證賦云。兼天衝穴。治反張悲哭。

腹哀 在日月下一寸五分。去腹中行三寸半。○

足太陰陰維之會。○刺三分。灸五壯。甲乙經云

刺七分。

主治寒中。食不化。大便膿血腹痛。

食竇 在天谿下一寸六分陷中。舉臂取之。○刺

四分。灸五壯。

主治胃脇支滿。欬唾逆氣。飲不下。膈有水聲。

天谿 在胃鄉下一寸六分陷中。仰而取之。○刺

四分。灸五壯。

主治胃滿喘逆。上氣。喉中作聲。婦人乳腫。賁癰。

胃鄉 在周榮下一寸六分陷中。仰而取之。○刺

四分。灸五壯。

主治胃脇支滿。引背痛。不得臥轉側。

周榮 在中府下一寸六分陷中。仰而取之。○刺

四分。灸五壯。

主治胃滿。不得俛仰。欬逆。食不下。

大包 在淵腋下三寸。○脾之大絡。布胃脇中。出

九肋間。及季脇端。總統陰陽諸絡。由脾灌溉。五

藏。○刺三分。灸三壯。

主治胃中喘痛。腹有大氣。不得息。實則其身盡

寒。虛則百節皆縱。

大司 亦謂取寸三寸○頭之大絡亦謂取寸
 主清胃熱心脾熱於液並食不化
 主行氣中氣不足者取之
 主心氣不足者取之
 主心氣不足者取之
 主心氣不足者取之

手少陰心經穴

心經穴歌

手少陰心起極泉青靈少海靈道全通里陰郄
 神門下少府少衝小指邊

極泉 在臂內腋卜筋間動脈入胷中○刺三分
 灸七壯

主治心脇滿痛肘臂厥寒四支不收乾嘔煩渴
 目黃

青靈 在肘上三寸伸肘舉臂取之○滑氏曰自

極泉下循臑內後廉行太陰心主兩經之後歷
青靈穴。○甲乙經無此穴。○灸三壯。

主治頭痛目黃振寒脇痛肩臂不舉。

少海

一名曲節

在肘內廉節後陷中又云肘內大骨

下去肘端五分肘內橫文頭屈肘向頭取之。○

手少陰所入為合。○刺五分灸三壯。一曰禁灸。

主治寒熱齒痛目眩發狂癲癩羊鳴嘔吐涎沫。

項不得回頭風疼痛氣逆瘰癧肘臂腋脇痛

瘰癧不舉穴

千金云主腋下瘰癧漏臂疼痛風痺瘰癧屈伸
不得鍼三分留七呼寫五呼。

席弘賦云心疼手顫少海間若要除根覓陰市

百證賦云兼三里穴治兩臂頑木

靈道 在掌後一寸五分。一曰一寸。○手少陰所

行為經。○刺三分灸三壯。

主治心痛悲恐乾嘔瘰癧肘瘰癧暴瘖不能言。

通里 在腕側後一寸陷中。○手少陰絡別走手

太陽經。○刺二分灸三壯。

主治熱病頭痛日眩。面熱無汗。懊懣。暴痞。心悸。悲恐畏人。喉痺苦嘔。虛損數欠。少氣遺溺。肘臂腫痛。婦人經血過多。崩漏。

神農經云。治目眩頭疼。可灸七壯。

玉龍賦云。療心驚。

目證賦云。兼大鍾。治倦言嗜臥。

馬丹陽云。治欲言聲不出。懊懣及怔忡。實則四

支重。頭顙面頰紅。聲平仍欠數。喉閉氣難通。

虛則不能食。暴痞面無容。毫鍼微微刺。方信

有神功。

陰郄 一曰手少陰郄

在掌後脉中。去腕五分。當小指之後。○刺三分。灸三壯。

主治鼻衄吐血。失音不能言。霍亂胃中滿。灑淅

惡寒。厥逆驚恐心痛。

標幽賦云。止盜汗。治小兒之骨蒸。

百證賦云。兼一。間能疎通寒慄惡寒。○又云。兼

後谿。治盜汗之多出。

神門 一名兌衝一名中都

在掌後銳骨端陷中。當小指後。

○手少陰所注為腧。○刺三分留七呼。灸三壯。
一云七壯。炷如小麥。

主治瘧疾心煩欲得冷飲惡寒則欲就溫咽乾
不嗜食驚憤心痛少氣身熱面赤發狂喜笑
上氣嘔血吐血遺溺失音健忘心積伏梁太
人小兒五癩證手臂攣掣。

玉龍賦云治癩癩失意。

百證賦云同上腕治發狂奔走。

少府 在小指本節後骨縫陷中直勞宮。○手少

陰所溜為榮。○刺二分灸三壯。一曰七壯

主治痲瘡久不愈振寒煩滿少氣胃中痛悲恐
畏人臂痠肘腋攣急陰挺出陰癢陰痛遺尿
偏墜小便不利。

少衝 一名經始

在手小指內側端去爪甲角如韭葉

○手少陰所出為井。○刺一分留一呼。灸一壯
一曰三壯。

主治熱病煩滿上氣心火炎上眼赤血少嘔吐
血沫及心痛冷痰少氣悲恐善驚口熱咽酸。

胃脇痛。乍寒乍熱。膈臂內後廉痛。手攣不伸。
玉龍賦云。可治心虛熱壅。
百證賦云。兼曲池治發熱。
乾坤生意云。此為十井穴。凡初中風跌倒卒暴
昏沉。痰涎壅滿。不省人事。牙關緊閉。藥水不
下。急以三稜鍼刺少商。商陽。中衝。關衝。少澤。
及此穴。使氣血流通。乃起死回生急救之妙
穴。

手太陽小腸經穴

小腸經穴歌

手太陽經小腸穴。少澤先於小指設。前谷後谿
腕骨間。陽谷頤頰同。養老列支正。小海上肩貞。臑
俞天宗秉風合。曲垣肩外復。肩中。天窻循次上。
天容。此經穴數一十九。還有顴膠入聽官。
少澤一名小吉。在手小指外側端。去爪甲一分陷中。
中。甲乙經曰。在小指之端。去爪甲一分陷中。○
手太陽所出為井。○刺一分。留二呼。灸一壯。

主治痰瘧寒熱汗不出喉痺舌強心煩欬嗽瘰癧
痰臂痛頸項痛不可顧目生翳及療婦人無
乳先寫後補。

千金云耳聾不得眠刺小指外側端近甲入
分半補之。

玉龍賦云治婦人乳腫。

百證賦云兼肝俞可治攀睛。

靈光賦云除心下寒。

乾坤生意云此為十井穴凡初中風卒暴昏沉

痰涎壅盛不省人事急以三稜鍼刺少商商
陽中衝少衝及此穴使氣血流通乃起死回
生急救之妙穴。

前谷 在手小指外側本節前陷中。○手太陽所
溜為榮。○刺一分留三呼灸三壯。

主治熱病汗不出痰瘧癩疾耳鳴喉痺頸項頰
腫引耳後欬嗽目翳鼻塞吐衄臂痛不得舉
婦人產後無乳。

後谿 在手小指本節後外側橫文尖上陷中仰

手握拳取之。一云在手腕前外側。拳尖起骨下陷中。○手太陽所注為臑。○刺一分。留二呼。灸一壯。一云三壯。

主治痰瘧寒熱。目翳鼻衄耳聾。胃滿項強癩癩。臂肘攣急。五指盡痛。

神農經云。治項強不得回顧。脾寒肘疼。灸七壯。玉龍賦云。專治時疫痰瘧。

攔江賦云。專治督脉病癩狂。百證賦云。兼環跳。治腿痛。○又云。偕勞官可治。

消疽。○又云。同陰郄。治盜汗之多出。

通玄賦云。治頭頂痛立安。

千金十一穴云。兼列缺。治胃項有痛。

一傳治蚤食。午吐。午食。晚吐。灸此左右二穴。九壯立愈。

捷法云。療手足攣急。屈伸艱難。手足俱顫。不能行步。握物。頸項強痛。不能回顧。顯頰紅腫。咽喉閉塞。水飲不下。心肺二經熱病。雙蛾喉痛。肺與三焦熱病。單蛾咽腫。上下牙兩頰疼痛。

牙關緊急不開。頸項紅腫。耳聾氣痞疼痛。耳內或鳴或癢或痛。雷頭風眩暈。嘔吐痰涎。腎虛頭痛。頭重不舉。肝厥頭暈。及頭自昏沉。偏正頭風疼痛。兩額顱角疼痛。太陽痛。頭項拘急。痛引肩背。醉後頭風。嘔吐不止。惡聞人言。眼赤痛。衝風淚下不已。破傷風。因他事觸發。渾身發熱癩狂。○已上凡三十餘證。先以後谿。主治。後隨證加各穴分治之。

腕骨 在手外側腕前起骨下陷中。○手太陽所

過為原。○刺二分。留三呼。灸三壯。

主治熱病汗不出。脇下痛不得息。頸項腫寒熱耳鳴。目出冷淚。生翳狂惕偏枯。臂肘不得屈伸。瘧疾煩悶。頭痛驚風。癩癧。五指掣攣。凡心與小腸火盛者。當寫此。渾身熱盛。先補後寫。肩背冷痛。先寫後補。

玉龍賦云。又兼中腕。治脾虛黃疸。

通玄賦云。腕骨祛黃。

陽谷 在手外側腕中。銳骨下陷中。○手太陽所

行爲經。○刺二分。留三呼。灸三壯。

主治癩疾發狂。妄言左右。顧熱病汗不出。脇痛。項腫。寒熱耳聾耳鳴齒痛。臂不舉。小兒瘰癧。舌強。

百證賦云。兼俠谿。治領腫口禁。

養老 在手外踝骨上一空。腕後一寸陷中。○手

太陽郄。○刺三分。灸三壯。

主治肩臂痠痛。肩欲折。臂如拔。手不能上下。目視不明。

百證賦云。兼天柱。治目視眩暈。

張仲文傳。灸治仙法。療腰重痛。不可轉側。起坐艱難。及筋攣脚痺。不可屈伸。

支正 在腕後外廉五寸。○手太陽絡。別走少陰。

○刺三分。留七呼。灸三壯。

主治五勞癩狂。驚風寒熱。領腫項強。頭痛目眩。風虛驚恐。悲憂。腰背痠。四支乏弱。肘臂不能屈伸。手指痛不能握。

百證賦云。兼飛陽。可治目眩。

小海 在肘內大骨外。去肘端五分陷中。屈手向頭取之。○手太陽所入為合。○刺二分。留七呼。灸五壯七壯。

主治肘臂肩臑頸項痛。寒熱齒根腫。風眩瘍腫。小腹痛。五癰瘰癧。

肩貞 在肩曲胛下。兩骨解間。肩髃後陷中。○刺五分。灸三壯。

主治傷寒寒熱。頷腫耳鳴耳聾。缺盆肩中熱痛。風痺手足不舉。

臑俞 在肩膠後。大骨下胛上廉陷中。舉臂取之。○手足太陽陽維陽蹻之會。○刺八分。灸三壯。

主治臂痿無力。肩痛引胛。寒熱氣腫痠痛。

天宗 在秉風後。大骨下陷中。○刺五分。留六呼。灸三壯。

主治肩臂痠疼。肘外後廉痛。頰頷腫。

秉風 在肩上天膠外小髃骨。舉臂有空。○手太陽陽明手足少陽之會。○刺五分。灸三壯。主治肩痛不可舉。

曲垣 在肩中央。曲胛陷中。按之應手痛。○刺三分。灸三壯。甲乙經曰十壯。

主治肩臂熱痛。拘急周痺。

肩外俞 在肩胛上廉。去脊三寸陷中。與大杼平。

○刺六分。灸三壯。

主治肩胛痛。發寒熱。引項攣急。周痺寒至肘。

肩中俞 在肩胛內廉。去脊大椎旁二寸陷中。○

刺三分。留七呼。灸十壯。甲乙經作三壯。

主治欬嗽上氣。唾血寒熱。目視不明。

天窻 一名窻籠

在頸大筋前。曲頰下。扶突後。動脈應

手陷中。○刺三分。灸三壯。甲乙經作刺六分。

主治頸癭腫痛。肩胛引項不得回顧。頰腫齒噤。

耳聾喉痛暴瘖。

千金云狂邪鬼語。灸九壯。○癰疹灸七壯。

天容 在耳下曲頰後。○刺一分。灸三壯。

主治癭氣頸癰。不可回顧。不能言。齒噤耳鳴耳

聾。喉痺咽中如梗。寒熱胃滿。嘔逆吐沫。

顴髎 一名兌骨

在面頰骨下廉。銳骨端陷中。○手少

陽太陽之會。○刺二分。禁灸。

主治口喎面赤目黃眼瞶不止頤腫齒痛。

百證賦云兼大迎治目眩妙。

聽官一名多所聞

在耳中珠子大如赤小豆○手足

少陽手太陽之會。○刺三分。灸三壯。

主治失音癩疾心腹滿耳內蟬鳴耳聾。

百證賦云兼脾俞能祛心下之悲悽。

類經圖翼六卷終

